



KOMUNIKADU DE-IMPRESA

Banku Sentral Timor-Leste fó sai Relatóriu Inkluzau Finanseira 2018 nian

Dili, 30 Abril 2019

Ohin Banku Sentral de Timor-Leste fó sai relatóriu kona-bá **“Inkluzau Finanseira 2018 - Sukat, Hamosu Estratéjia no Kria Inovasaun”** relatóriu ne'e nu'udar parte ida husi relatóriu lubuk sira seluk mak BCTL dezenvolve ona hodi promove inkluzau finanseira iha Timor-Leste. Relatóriu inkluzau finanseira ba dahuluk publika iha 2016 abranje indikadór inkluzau finanseira no kobre metas ba longu praju nian. Iha tinan 2017 BCTL hahu dezenvolve Estratéjia Nasionál ba Inkluzau Finanseira nian 2017-2022, ne'ebé difini planu asaun hodi tau hamutuk esforsu tomak husi parte interesante sira hodi hetan rezultadu ne'ebé mak dejeju tuir dezenvolvimentu setór finanseira ne'ebé inkluzivu no sustentável.

Relatóriu Inkluzau Finanseira 2018 ne'e bazeia ba dadus ne'ebé luan no aktualizadu husi parte oferta (supply side data) hodi avalia dimensaun ba sasukat enkuadramentu nian. Relatóriu ne'e kunklui kona-bá kondisaun atuál inkluzau finanseira iha Timor-Leste no nivél progresu sira mak Timor-Leste atinji ona dezde 2016. Relatóriu ne'e mos fó sai detallu kona-bá percentajen pontu de asesu ne'ebé aumenta ba 36%, mudansa sira iha tipu servisu finanseiru, servisu karteira elektronika ka (*e-wallet services*), situasaun atual ba implementasaun Estratéjia Nasionál Inkluzau Finanseira no Estratéjia Nasionál ba Edukasaun Finanseira iha indikadóres no atividades inkuzau finanseira sira seluk. Tema husi relatóriu ne'e mak “Sukat, Hamosu Estratéjia no Kria Inovasaun” ho objetivu atu atualiza konesementu ba fatores sira ne'ebé fó influencia ba inkuzasaun finanseira hodi forma rekomendasau no hari'i inovasaun ba orientasaun politika iha futuru.

Banco Central de Timor- Leste sei nafatin defende no haforsa advokasia ba inkluzau finanseira ho inovasaun atu hasa'e pontu asesu ba servisu finanseira-sira, modernizasaun ba sistema pagamentu, mellora ujo ba servisu finanseira no intesifika programa literasia finanseira in rai laran.

Banco Central de Timor- Leste hakarak agradece ba parseiru sira husi instituisaun finanseira nomos laos-finanseira, setór públiku no privadu, intituisaun Governu, instituisaun hotu-hotu mak kontribui ona mai lansamentu relatoriu Inkluzau Finaseira 2018 ne'e. BCTL fiar katak disponibilidade réal ba dadus sira inkluzau finanseira nian fó ona konsensia no koñesimentu atu dezenvolve politika prátika ne'ebé mak bele atinju bazeia ba evidénsia sira atu lori mudansa pozitivu ba timor oan-sira iha tinan hirak tuir mai.

[Remata]

Relatóriu kompletu disponível iha siti BCTL iha <https://www.bancocentral.tl/en>

Kestaun relasiona ho Relatoriu Inkluzau Finanseira 2018 bele dirije ba: info@bancocentral.tl